

SA's Leading Past Year

Exam Paper Portal

STUDY

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



SA EXAM
PAPERS



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LESITSATFU (P3)

LWETI 2017

IMEMORANDAMU

EMAMAKI: 100

Lememorandamu inemakhasi la-12.

SIGABA A: INDZABA

UMBUTO 1

1.1 INDZABA LELANDZISAKO

Indzaba lengake ngacocelwa yona.

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetfo.
- Akuvele lusuku lebamcocela ngalo lendzaba.
- Akuvele kutsi wacocelwa ngubani.
- Akuvele lokwenta ukhumbule lendzaba. Sibonelo: yakujabulisa/ yakutfukutselisa.
- **Akuvele kutsi beyikhuluma ngani lendzaba.**
(Naleminye imibono lengabhalwa bahlolwa lehambelana nesihloko yemukelekile).

[50]

1.2 INDZABA LECHAZAKO

Indzawo lengihlala kuyo.

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetfo.
- Akuvele ligama lendzawo nekutsi iyindzawo lenjani. Sibonelo: (Indzawo lepholile/ inetintsaba/ inetindzawo tekungcebeleka/ akunabugebengu/ kunemifula/ **leneludlame/ akunatinsita**).
- Akuvele tincomo takhe ngalenzawo njll).
(Naleminye imibono lengabhalwa bahlolwa lehambelana nesihloko yemukelekile).

[50]

1.3. INDZABA LEVETA LIKAMUVA LEMBHALI

Indlela lengikhumbula ngayo umuntfu lowangikhulisa.

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetfo.
- Akuvele ligama lemuntfu lowakukhulisa.
- **Akuvele sizatfu lesenta ukhuliswe nguloyo muntfu.**
- Akuvele tintfo letenta ukhumbule lomuntfu lowakukhulisa. Sibonelo: (Kudla/timphahla/indlela lakukhulise ngayo/tintfo lebekakutsengela tona / **kuphatseka kabi** njll).
- Yini lewayifundza kuye? Sibonelo: (kulalela batali/inhlonipho/kwenta umsebenti/kwetsembeka/kutsandza bantfu njll).
- Akuvele tincomo.
(Naleminye imibono lengabhalwa bahlolwa lehambelana nesihloko yemukelekile).

[50]

1.4 **INDZABA LEVETA LUHLANGOTSI LUNYE/LEHLANGOTSILUNYE**

Ithekhnoloji idala buvila. Utsini wakho umbono?

Indzaba ingafaka lamaphuzu lalandzelako:

- Indzaba ayibe nesingeniso, umtimba nesiphetho.
- **Akuvele kutsi iyini ithekhnoloji.**
Bahlolwa labavumelana nembono bangabhala lamaphuzu lalandzelako:
- **Akuvele buvila lobudalwa yithekhnoloji.** Sibonelo: (Kusetjentiswa kwetigitjelwa/ imishini yekuwasha titja netimphahla/ emaselifoni/ nemathelevishini njll).

Bahlolwa labangavumelani nembono, bangabhala lamaphuzu lalandzelako:

- **Ithekhnoloji ayibudali buvila** yenta imphilo ibe lula. Sibonelo: (Ubhanga imali uhleli ekhaya/kudla kusheshe kuvutfwe/akusabhalwa tincwadzi/usheshe ufike lapho uya khona njll).

(Naleminye imibono lengabhalwa bahlolwa lehambelana nesihloko yemukelekile).

[50]

1.5 **INDZABA LENHLANGOTSIMBILI**

Buhle nebubi bekunika bantfwana imali.

Indzaba ingafaka lamaphuzu lalandzelako:

Indzaba ayibe nesingeniso, umtimba nesiphetho.

Buhle bekunika bantfwana imali.

Kungachazwa buhle bekunika bantfwana imali. Sibonelo: (Ufundza konga/ukhona kutsenga tintfo latidzingako/ufundza kutimela).

Bubi bekunika bantfwana imali.

Kungachazwa ububi bekunika bantfwana imali. Sibonelo: (Batsenga tidzakamiva/bayadzelela/abafundzi sikolo/banatsa tjwala ngalemali/batsenga tintfo letingenasidzingo njll).

(Naleminye imibono lengabhalwa bahlolwa lehambelana nesihloko yemukelekile).

[50]

- 1.6 Bahlolwa batawunika tihloko letihambelana netitfombe. Letindzaba tetitfombe letilandzelako tingatsatsa nobe nguluphi luhlobo lwetindzaba kuleti: lelandzisako/lechazako/lehlangotsilunye/lenhlangotsimbili/leveta likamuva lembhali.

1.6.1 **INDZABA INGAFKA LAMAPHUZU LALANDZELAKO:**

- Indzaba ayibe nesingeniso, umtimba nesiphetho.
- **Akucocwe ngekuvakasha ngemaholide.** Sibonelo (Kuvakashela elwandle/kugeza/kungcebeleka esihlabatsini njll).

(Naleminye imibono lengabhalwa bahlolwa lehambelana nesitfombe yemukelekile).

[50]

1.6.2 INDZABA INGAFKA LAMAPHUZU LALANDZELAKO:

- Indzaba ayibe nesingeniso, umtimba nesiphetho.
- Akucocwe ngekutivocavoca/kukhuphuka titepisi/ngemphumelelo emphilweni/ **imphilo iyenyukela** njll. (Naleminye imibono lengabhalwa bahlolwa lehambelana nesitfombe yemukelekile).

[50]**1.6.3 INDZABA INGAFKA LAMAPHUZU LALANDZELAKO:**

- Indzaba ayibe nesingeniso, umtimba nesiphetho.
- Akucocwe ngemaloli. Sibonelo: (Kushayela/tingoti letidalwa ngemaloli/labahayikha emaloli/ **libhizinisi lemaloli** njll. (Naleminye imibono lengabhalwa bahlolwa lehambelana nesitfombe yemukelekile).

[50]**BONA IRUBHRIKI YEKUMAKA INDZABA SIGABA A.****SAMBA SESIGABA A: 50**

SIGABA B: EMATHEKSTHI EMIBHALOMBIKO LEMIDZANA

UMBUTO 2

2.1 INCWADZI YEBUNGANI

SAKHIWO SENCWADZI YEBUNGANI

- Ayibe nesingeniso, umtimba nesiphetho.
- Ayibe nelikheli linye lemhlolwa ngasesandleni sekudla.
- Akweciwe umugca.
- Akube nesibingelelo lesihambisana neluhlobo lwencwadzi ngasesandleni sesancele.
- Akweciwe umugca.
- Akube nemapharagrafu.
Sibonelo: (kumhalalisela umnakabo/kumkhutsata/kumfisela lokuhle njll).
- Akweciwe umugca kube nesivaleliso lesifanele (ligama lemhlolwa lelingenasibongo) ekugcineni kwencwadzi, ngasesandleni sesancele.

LOKUCUKETFWE YINCWADZI

- Kuphawula ngekuphumelela kwakhe.
- Ayivete kukhombisa kujabula naye nekumkhutsata. Sibonelo: (kumtsengela siphoh/kumnanatela/kumvakashela ayomhalalisela njll).
(Naleminye imibono yebahlolwa lehambisana nesihloko iyemukeleka).

[30]

2.2 UMLANDVOMUFI

Akubhalwe lamaphuzu lalandzelako:

- Awube nesingeniso, umtimba nesiphetho.
- Ligama nesibongo saloshonile.
- Lapho ahlala khona.
- Umnyaka, lusuku lwekutsalwa nelwekushona.
- Indzawo lashonele kuyo.
- Kugula nekushona kwakhe.
- Temfundvo.
- Temsebenti.
- Labashiye emhlabeni.

[30]

2.3 UMBIKO

Umbiko awube naloku lokulandzelako:

- Sihloko (Umbiko ngemncintiswano wekubhala nekukhuluma ngelulwimi lweSiswati).
- Lusuku lobhalwe ngalo.
- **Indzawo nelusuku lwemncintiswano.**
- Lobhalile. (Umfundzi).
- Loya kuye (Thishelanhloko).
- Lokucuketfwe (Tintfo letenteka emncintiswaneni).
- Ubhalwa ngetindzima nobe ngemaphuzu.
- Tincomo.
- Kusayina.

[30]

2.4 INKHULUMOLUHLULO

Akubhalwe ngaloku lokulandzelako:

- Sihloko (Iphatselene nani lenkhulumoluhlolo).
- Balingisi labaphatselene nenkhulumoluhlolo.
- Akuvele emagama abo abhalwe ngasesandleni sesancele ehluhaniswe ngekhloni.
- Sebentisa umugca lomusha kukhombisa kutsi sekukhuluma lesinye sikhulumi.
- Siphetho (Kusongwa kwenkhulumoluhlolo). Sibonelo: Kunikwa litfuba lekukhuluma kwalohlolwako akhutsate labalalele nalebebangenele umncintiswano).

Lokubalulekile ngenkhulumoluhlolo

- Ibhawwa ngesikhatsi sanyalo, lesengca nalesitako. (Ihlanganisa tikhatsi).
- Lulwimi lolusetjentiswako luhlelekile futsi lwetayelekile.
- Kusetjentiswa irejista lefanele.
- Cikelela umehluko emkhatsini wenkhulumoluhlolo nenkhulumiswano.
- Cikelela umehluko emkhatsini wenkhulumoluhlolo lehlelekile nalengakahleleki.

[30]

- **BONA IRUBHRIKI YEKUMAKA UMBHALOMBIKO LOMUDZE SIGABA B.**

SAMBA SESIGABA B: 30

SIGABA C: EMATHEKSTHI EMIBHALOMBIKO LEMIFISHA

UMBUTO 3

3.1 IPHOSTA

Lokubalulekile ngephosta

- Ayihehe emehlo ebantfu.
- Ayibe nesihloko lesibhalwe ngemagama lamakhulu.
- Umbiko wayo awucondze ngco.
- Ayibe nelusuku/sikhatsi nendzawo.
- **Akuvele kutsi imayelana nelusha.**
- Ayivete inombolo yalobhalile.

[20]

3.2 IDAYARI

Lokubalulekile ngedayari:

- Ayibhalwe ngesikhatsi lesitako.
- Akuvele inyanga, tinsuku lokubhalwe ngato neminingwane yaloku lekutawentiwa. Sibonelo: (kuvakashela sichiwi setinyamatane/kubona lidolobha/kuya emnyuziyamu/kutsenga njll).

[20]

3.3 TICONDZISO

Ticondziso ativete lokulandzelako:
Sibonelo:

- Kungabangi umsindvo eklasini.
- Kubhala umsebenti lonikwe wona.
- Kumikisa umsebenti ngesikhatsi lesifanele.
- Kungadli eklasini thishela afundzisa.
- **Kungaphumeli** ngaphandle ungakanikwa imvumo nguthishela.
- Kungaphendvulani kabi nathishela nobe labanye bafundzi eklasini.
- Kungantjontji tintfo talabanye bantfwana eklasini.
- Kungalali nangabe thishela afundzisa.
- **Kungasebentisi** makhalekhukhwini **ngaphandle kwemvumo/ iselulafoni** eklasini.
- Kungalali emaphepha phasi eklasini.

[20]

• BONA IRUBHRIKI YEKUMAKA UMBHALOMBIKO LOMFISHA SIGABA C.

SAMBA SESIGABA C: 20
SAMBA SAKO KONKHE: 100

CAPHELA:

- **Sebentisa irubhriki njalo nawumaka indzaba (Liphepha le-3, SIGABA A).**
- Emamaki lasukela ku-0–50 ehlukeniswe ngemazinga lasihlanu-(5) etinchazelo temakhono, (Emalengiso, Licophelo lelisetulu, Lokwenetisako, Lokusacatfuta naLokungaphumelelisi).
- Kuletimphawu taLokucuketfwe, Lulwimi neSitayela, letinchazelo temakhono letisihlanu tehlukeniswe ngekwelizinga lelisetulu ngalokubabatekako nelizinga lelisetulu ngalokungababateki, ngekwehlukana kwemamaki netinchazelo temakhono.
- Sakhiwo sona asitsintseki ngalokwehlukeniswa kwelizinga lelisetulu ngalokubabatekako nelinelizinga lelisetulu ngalokungababateki.

IRUBHRIKI YEKUHLOLA INDZABA YELULWIMI LWEKUCALA LWEKWENGETA [50 EMAMAKI]

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE NEKUHLELA (Imphendvulo nemibono) Kuhleleka kwemibono nakulungiselelwa kubhala. Kucikelelwa kwenhloso, tetsamelilwati nesimongcondvo.	Lizinga lelisetulu ngalokubabatekako	28–30	22–24	16–18	10–12	4–6
		-Imphendvulo lengemalengiso lababateka ngetulu kwalokulindzelekile. -Imibono ivutsiwe, inekuhlakanipha, lokukhombisa kucabanga lokujulile. -Kuhleleka kungemalengiso lababatekako, kubumbene nesingeniso, umtimba kanye nesiphetho.	-Imphendvulo lesecophelweni lelisetulu ngalokubabatekako. -Imibono ivutsiwe, iyaheha ihambisana nesihloko ngalokuphelele. -Kuhleleka kusecophelweni lelisetulu kakhulu, lokubumbene nesingeniso, umtimba nesiphetho.	-Imphendvulo leyenetisako. -Imibono ibumbene futsi ikholweka ngalokwenetisako. -Kuhleleka kubumbene nesingeniso, umtimba nesiphetho ngalokwenetisako.	-Imphendvulo lengakabumbani. -Imibono ayikacaci kantsi futsi akusiyo yekuticambela. -Buncane bufakazi bekuhleleka nekubumbana.	-Yonkhe imphendvulo iyanhlanhlatsa. -Imibono ihlangahlangene futsi iyadidana, ayikacondzi ngco. -Kunekuphindzaphindza lokungevakali. -Akukho kuhleleka nekubumbana.
30 EMAMAKI	Lizinga lelisetulu ngalokungababateki	25–27	19–21	13–15	7–9	0–3
		-Imphendvulo lengemalengiso kodvwa ingenato timphawu tekubabateka. -Imibono ivutsiwe futsi ihlakaniphile. -Kuhleleka lokungemalengiso, kubumbene nesingeniso, umtimba nesiphetho.	-Imphendvulo lesecophelweni lelisetulu. -Imibono iyaheha, ihambisana nesihloko. -Kuhleleka lokusecophelweni lelisetulu lokubumbene nesingeniso, umtimba nesiphetho.	-Imphendvulo leyenetisako kodvwa kukhona lokungevakali kahle. -Imibono ibumbene, iyakholweka. -Kukhona kuhleleka lokutsite kanye nekubumbana nesingeniso, umtimba nesiphetho.	-Imphendvulo legcwele kunhlanhlatsa. -Imibono ayihlangani, iyadidana. -Abukho bufakazi bekuhleleka nekubumbana.	-Awukho namncane umzamo wekuphendvula ngesihloko. -Yonkhe imphendvulo iyanhlanhlatsa, ayemukeleki. -Akuvakali, kuhlanguhlangene.

IRUBHRIKI YEKUHLOLA INDZABA YELULWIMI LWEKUCALA LWEKWENGETA [50 EMAMAKI] (continued)

Timphawu		Emalengiso	Licophelo lelisetulu	Lokwenetisako	Lokusilele	Lokungaphumelelisi
LULWIMI, SITAYELA NEKUHLUNGWA KWEMAPHUTSA Kuhambelana kwemoya irejista, sitayela, silulumagama nenhloso nesimongcondvo. Kusetjentiswa kwelulwimi, timphawu tekufundza nekubhala, luhlelo, sipelingi. (lupelomagama)	Lizinga lelisetulu ngalokubabatekako	14–15 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngemalengiso lababatekako. -Lulwimi lolunekutetsemba, lolugculisako nalolunemba ngemalengiso lababatekako. -Emasu ebugagu belulwimi asetjentiswe ngemphumelelo lenkhulu kuveta umoya nekuheha kwemphendvulo. -Esikhatsini lesinyenti kakhulu emaphutsa eluhlelo nesipelingi kute. -Kunekuticambela lokungemalengiso lasetulu kakhulu.	11–12 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. -Lulwimi lusecophelweni lelisetulu kantsi nemoya uyemukeleka emphendvulweni yonkhe. -Emaphutsa eluhlelo nesipelingi akasimanyenti. -Kuticambela lokusecophelweni lelisetulu.	8–9 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako. -Lulwimi lusetjentiswe ngalokwenetisako kwetfula lokushiwo embhalweni. -Umoya uyenetisa. -Emasu ebugagu belulwimi asetjentisiwe kunotsisa lokucuketfwe.	5–6 -Umoya, irejista, sitayela nesilulumagama akuhambelani nenhloso, tetsamelilwati nesimongcondvo. -Kusetjentiswa kwelulwimi kusacatfuta. -Umoya nekukhetseka kwemagama akwemukeleki. -Silulumagama sincane kakhulu.	0–3 -Lulwimi aluvakali. -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. -Silulumagama sincane ngendlela yekutsi lokubhaliwe akungalandzeleki.
		15 EMAMAKI	13 -Lulwimi lusetjentiswe ngemalengiso nangalokuveta umoya lokhutsatoko ngemphumelelo -Esikhatsini lesinyenti emaphutsa eluhlelo nesipelingi awekho -Kuticambela kungemalengiso	10 -Lulwimi lusetjentiswe ngemphumelelo lesecopheweni lelisetulu. -Umoya uyemukeleka futsi uneligalelo lelemukelekile. -Emaphutsa eluhlelo nesipelingi ambalwa. -Icambeke kahle.	7 -Lulwimi lusetjentiswe ngalokwenetisako kodvwa ngalokungafani embhalweni wonkhe. -Imvamisa umoya wemukelekile, emasu ebugagu belulwimi asetjentiswe kancane.	4 -Lulwimi lusetjentiswe ngalokungenetisi. -Kusetjentiswa kwetinhlobo letehlukene temisho kuncane/kute. -Silulumagama sincane kakhulu.

IRUBHRIKI YEKUHLOLA INDZABA YELULWIMI LWEKUCALA LWEKWENGETA [50 EMAMAKI] (continued)

Timpawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
SAKHIWO	5	4	3	2	0–1
Timpawu tetheksthi, Kutfufukiswa kwetindzima nekwakhiwa kwemisho.	-Sihloko sitfutfukiswe ngemalengiso. -Imininingwane yetfulwe ngemalengiso. -Imisho, netindzima kwakheke ngemalengiso lababatekako.	-Imininingwane itfutfukiswe ngalokuhlelekile. -Kunekubumbana. -Imisho, netindzima kuhlelekile futsi kutinhlobonhlobo.	-Imininingwane ihambisana nesihloko. -Imisho netindzima kwakheke kahle Indzaba iyevakala.	-Lamanye emaphuzu emukelekile. -Imisho netindzima kunemaphutsa. -Indzaba iyevakala noko.	-Emaphuzu ladzingelele asilele. -Imisho netindzima kunemaphutsa. -Indzaba ayinamcondvo.
5 EMAMAKI					

SEBENTISA IRUBHRIKI NJALO NAWUMAKA UBHALOMBIKO LOMUDE SIGABA B.**IRUBHRIKI YEKUHLOLA ITHEKSTHI YEMBALOMBIKO LOMUDZE WELULWIMI LWEKUCALA LWEKWENGETA [30 EMAMAKI]**

Timpawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
<p>LOKUCUKETFWE, KUHLELA NESAKHIWO</p> <p>Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timpawu/timiso, nesimongcondvo.</p> <p>18 EMAMAKI</p>	<p>15–18</p> <p>-Imphendvulo lengemalengiso lababatekako. -Imibono ivutsiwe, inekuhlakanipha, lokukhombisa kucabanga lokujulile. -Lwati lolungemalengiso lwetimpawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebungene ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.</p>	<p>11–14</p> <p>-Imphendvulo lesecophelweni lelisetulu lekhombisa. -Lwati lolusecophelweni lelisetulu lweluhlobo lwetheksthi lebhawako. -Umbhalo ucondze ngco, awutsemeleti. -Lokucuketfwe kunemibono lebungene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.</p>	<p>8–10</p> <p>-Imphendvulo leyenetisako, lekhombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele, unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodvwa sinemaphutsa latsite.</p>	<p>5–7</p> <p>-Imphendvulo lecatfutako lekhombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekele sihloko. -Imitsetfo netimiso letibalulekile tesakhiwo setheksthi atikalanzelwa ngalokufanele. -Kunyenti lokubalulekile lokusilele.</p>	<p>0–4</p> <p>-Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako. -Inshokutsi iyanhlanhlatsa, igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekele sihloko. -Imitsetfo netimiso tesakhiwo setheksthi letibalulekile atikalanzelwa nakancane.</p>
<p>LULWIMI, SITAYELA NEKUHLUNGWA KWEMAPHUTSA</p> <p>Umoya, irejista, sitayela, inhloso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timpawu tekufundza nekubhala nesipelingi</p> <p>12 EMAMAKI</p>	<p>10–12</p> <p>-Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo. -Luhlelo alunamaphutsa kantsi futsi icambeke kahle -Esikhatsini lesinyenti akunamaphutsa.</p>	<p>8–9</p> <p>-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.</p>	<p>6–7</p> <p>-Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Kunemaphutsa latsite eluhlelo -Silulumagama lesenetisako -Emaphutsa akayiphazamisi inshokutsi</p>	<p>4–5</p> <p>-Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.</p>	<p>0–3</p> <p>-Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. -Kugcwele emaphutsa lamanyenti ladidanako. -Silulumagama asihambisani nakancane nenhloso. -Inshokutsi ihlangahlangene kakhulu.</p>
<p>KWEHLUKA KWEMAMAKI</p>	<p>25–30</p>	<p>19–23</p>	<p>14–17</p>	<p>9–12</p>	<p>0–7</p>

SEBENTISA IRUBHRIKI NJALO NAWUMAKA UBHALOMBIKO LOMFISHA SIGABA C.**IRUBHRIKI YEKUHLOLA ITHEKSTHI YEMBALOMBIKO LOMFISHA WELULWIMI LWEKUCALA LWEKWENGETA [20 EMAMAKI]**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumelelisi
LOKUCUKETFWE, KUHLELA NESAKHIWO Imphendvulo nemibono Kuhleleka kwemibono, Timphawu/Timiso nesimongcondvo. 12 EMAMAKI	10–12 -Imphendvulo lengemalengiso lababatekako. -Imibono ivutsiwe, inekuhlakanipha, lokukhombisa kucabanga lokujulile. -Lwati lolungemalengiso lwetimpawu teluhlobo lwetheksthi lebhawako. -Umbhalo ucondze ngco. -Lokucuketfwe kunemibono lebungene ngemalengiso. -Yonkhe imininingwane icaciswe ngemalengiso kantsi futsi yesekela sihloko. -Sakhiwo lesifanele lesingemalengiso nalesingenamaphutsa.	8–9 -Imphendvulo lesecophelweni lelisetulu lekhombisa. -Lwati lolusecophelweni lelisetulu lweluhlobo lwetheksthi lebhawako. -Umbhalo ucondze ngco, awutsemeleti . -Lokucuketfwe kunemibono lebungene ngelicophelo lelisetulu. -Imininingwane yetfulwe ngelicophelo lelisetulu kantsi yonkhe yesekela sihloko. -Sakhiwo lesemukelekako lesinemaphutsa langasho lutfo.	6–7 -Imphendvulo leyenetisako, lekhombisa lwati lweluhlobo lwetheksthi lebhawako. -Umbhalo awukacondzi ngco ngalokuphelele, unekutsemeleta lokutsite. -Emaphuzu alokucuketfwe abumbene ngalokwenetisako. -Leminye imininingwane iyasesekela sihloko. -Sakhiwo siyenetisa kodvwa sinemaphutsa latsite.	4–5 -Imphendvulo lecatfutako lekhombisa lwati loluncane lweluhlobo lwetheksthi lebhawako. -Umbhalo unekutsemeleta lokunyenti. -Kubumbana kwemaphuzu alokucuketfwe kuncane kakhulu. -Imbalwa imininingwane leyesekele sihloko. -Imitsetfo netimiso letibalulekile tesakhiwo setheksthi atikalanzelwa ngalokufanele. -Kunyenti lokubalulekile lokusilele.	0–3 -Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako. -Inshokutsi iyanhlanhlatsa, igcwele kutsemeleta lokunyenti. -Emaphuzu alokucuketfwe akakabumbani nakancane. -Imbalwa kakhulu imininingwane leyesekele sihloko. -Imitsetfo netimiso tesakhiwo setheksthi atikalanzelwa nakancane.
LULWIMI, SITAYELA NEKUHLUNGWA KWEMAPHUTSA Umoya, irejista, sitayela, inhloso, tetsamelilwati nesimongcondvo, Timiso nekusetjentiswa kwelulwimi, Kukhetseka kwemagama, Timphawu tekufundza nekubhala nesipelingi. 8 EMAMAKI	7–8 -Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo. -Luhlelo alunamaphutsa kantsi futsi icambeke kahle. -Esikhatsini lesinyenti akunamaphutsa.	5–6 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu. -Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu. -Silulumagama sisecophelweni lelisetulu. -Emaphutsa ambalwa kakhulu.	4 -Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako -Kunemaphutsa latsite eluhlelo -Silulumagama lesenetisako -Emaphutsa akayiphazamisi inshokutsi	3 -Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo. -Kunemaphutsa lamanyenti eluhlelo. -Silulumagama sincane kakhulu. -Inshokutsi iyaphazamiseka.	0–2 -Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo. -Kugcwele emaphutsa lamanyenti ladiidako. -Silulumagama asihambisani nakancane nenhloso. -Inshokutsi ihlangahlangene kakhulu.
KWEHLUKA KWEMAMAKI	17–20	13–15	10–11	7–8	0–5